

凡行船可探西水色青多見拜浪魚食東則水色黑色青有大木浮流及鴨鳥然見如白鳥尾帶箭此係正針足近外羅對開  
食東七更船便是萬里石塘內有一紅石山不高如看見船身低者見石頭可防可防水痕忌日忌行船裝載大月初一七十  
一七二十三三十日忌小月初三七十二二十六日忌

### 逐月定日惡風

正月初二十一日乃大將軍降日逢人殺午後有風無風則雨

二月初三十七二十七午後有大風雨

三月初九十二二十四日有大風雨

四月初八十九二十三午時有大風雨

五月初十一十九日申酉時有大風雨

六月十九二十七卯辰時有大風雨

七月初七初九十五二十七有大風

八月初三初八十七二十七有大風

九月十一十五十七十九日有惡風雨

十月十五十八十九二十七府若朝上帝之期卯時有大風雨

十一月初一初三十九日有大風雨

十二月初二初三初五初六十二二十八日有大狂風

上三條俱  
東西洋考

### 右採錄府志

今考光緒季年注重防海派江防兵艦一艘駐龍門宣統元年閏二月設巡緝水師外海六艘內河四艘廉州府統轄其兵制列下

### 弁兵

督帶一員書記一員火夫一名駐防黨屋

外海正管駕六員副管駕六員兵長六名正舵工六名幫舵工六名大礮手六名桅尾六名船工六名水兵共九十六名火夫六名

內河管駕四員兵長四名舵工四名水兵共四十四名火夫四名

### 防地

外海拔巡自黨屋下一帶各江口及西場那隆大觀港三娘灣高德北海冠頭嶺滙洲石頭埠

內河上巡至石埔及洪潮江下至黨屋

月支薪餉船租赴廉州府庫請領

經政志

教育

清代以科舉取士以書院造士德宗戊戌變政崇尚歐化辛丑西狩回鑾銳意興學癸卯管學大臣張百熙榮慶張之洞等頒行奏定學堂章程二十冊甲辰兩廣學務督辦張鳴岐飭各縣派員入兩廣師範館練習學務而廉州府中學堂合浦縣高等小學堂先告成立乙巳三月中小學始行開學典禮四月張鳴岐設合浦縣學務公所以中學監督兼所長設所員四人共策進行丙午改為勸學所設總董兼縣視學一人所員一二人學部頒教育宗旨曰忠君曰尊孔曰尚公曰尚武曰尚實辦學之士提倡七八年值辛亥改革十六區公私各學尚未遍設顧稚輪導輅淵源具在乃輯而錄之

欽廉法政學堂 光緒三十三年立案 三那之亂待辦

廉州府中學堂 光緒三十一年立案

廉州府中學附設師範簡易科館 三那之亂待辦

合浦縣速成師範傳習所 光緒三十二年初辦一次宣統二年續辦一次皆一年畢業

合浦縣高等小學堂 光緒三十一年立案

附城第一初等小學堂 光緒三十一年立案

附城第二初等小學堂 光緒三十三年立案

附城第三初等小學堂 光緒三十一年立案

附城第四初等小學堂 光緒三十三年立案

附城第五初等小學堂 宣統元年立案

附城區公立乾體高等小學堂 光緒三十一年立案

附城區私立羅江家族兩等小學堂 光緒三十一年立案

附城區私立海匯初等小學堂 光緒三十三年立案

附城區私立郭李氏家族初等小學堂 光緒三十二年立案

三總區公立三益高等小學堂 光緒三十二年立案

三總區私立蔡氏家族初等小學堂 光緒三十三年立案

珠江區公立珠江兩等小學堂 光緒三十二年立案

永安區私立崇實初等小學堂 宣統二年立案

石州區私立吳氏家族兩等小學堂 光緒三十二年立案

聯安區公立上八團高等小學堂 光緒三十二年立案

進誠區公立進誠兩等小學堂 光緒三十一年立案

進誠區公立龍文兩等小學堂 宣統元年立案

平睦區公立文德高等小學堂 光緒三十四年立案

統計各級共二十三校

# 經政志

## 自治

清德宗光緒戊申冬十二月憲政編查館大臣奕劻世續張之洞鹿傳霖那桐等奏頒城鎮鄉地方自治章程一百十二條選舉章程八十一條其大要曰明示自治名義曰劃清自治範圍曰慎重自治經費曰責重自治監督下直省督撫飭所屬地方官實力舉行考地方自治之名雖近沿於泰西其實已根於於中古周禮比閭族黨州縣之治即名爲有地治者實地方自治之權輿下逮兩漢三老嗇夫歷代保甲鄉約相沿未絕即今京外各處水會善堂積穀保甲以及新設之教育會商會等皆使人民各就地方聚謀公益皆屬自治之事願君主立憲之自治淵源於國權國權所許而自治之基乃立由是而自治規約不得抵牾國家之法律由是而自治宜不得違抗官府之監督於官治自治之限闕鄭重剖晰勒爲法典上下相信守之不渝民不得奮私智以上瀆官亦不得擅威福以下僭用能互相繫屬而齟齬不生各守分限而責任亦無所貸此清室地方自治之主旨也至選舉章程與諮議局不同諮議局議員用複選制自治會職員用單選制廣東諮議局光緒戊申成立合浦額占諮議員一人當時諮議員提議禁賭案否決者皆撤換合浦城鎮鄉各級自治宣統二三年間次第舉辦辛亥革命軍起國體變更自治遂停止

### 城鎮自治職

一 議事會 議長一名 副議長一名 議員以二十名爲定額  
城鎮人口滿五萬五千者得於前項定額外增設議員一名自此以上每加人口五千得增議員一名至多以六十名爲限  
一 董事會 總董一名 董事一名至三名 名譽董事四名至十二名  
董事以該城鎮議事會議員二十分之一爲額 名譽董事以其十分之二爲額

### 鄉自治職

一 議事會 議長一名 副議長一名 議員按照人口之數定之其比例如左

人口不滿二千五百者 議員六名

人口二千五百以上不滿五千者 議員八名

人口五千以上不滿一萬者 議員十名

人口一萬以上不滿二萬者 議員十二名

人口二萬以上不滿三萬者 議員十四名

人口三萬以上不滿四萬者 議員十六名

人口四萬以上者 議員十八名

一 鄉董 各鄉設鄉董一名 鄉佐一名 以本鄉選民由該鄉議事會選舉呈請該管地方官核准任用之

議長副議長總董董事鄉董鄉佐皆以二年為任期任滿改選

議員以二年為任期每年改選半數若議員全數同時選任者其半數即以一年為任滿此一年任滿之半數以抽籤定之若

全數不能平分者以多數為半數

城鎮鄉議董兩會得設文牘庶務等員員額薪水以規約定之此項人員不限於選民由議長遴選派充

城鎮鄉議事會會議每季一次以二月五月八月十一月為會期每會期以十五日為限限滿議未竣者得由議長宣示展限十

日以內其有臨時應議事宜經地方官之通知及城鎮董事會或鄉董之請求或議員全數三分之一以上之請求者均得隨時

開會選民資格投票選舉職任權限皆有章程定之

合浦縣城自治會 宣統三年成立 靖海鎮自治會 宣統二年籌辦 白沙鄉自治會 宣統三年成立

永安鄉自治會 宣統二年成立 大廉鄉自治會 宣統二年籌辦

禮俗志

祀典 方言

褒揚 寺觀

風俗 教會

典禮篇云禮從宜使從俗古人制禮使民思之而知所以敬守之而知所以禁奢者不得聘無度之心儉者不得就苟簡之習而民俗以齊非徒是威儀度數以為美觀而已吾邑地處海濱風土樸陋自北海商埠交通便利省港風氣日益灌輸習俗人情漸趨侈靡而固有特性變化已多非據事直言則為革為因曷資考鏡用為臚述首祀典褒揚次及風俗方言寺觀教會等以明典禮之規定習慣之自然其間興廢循環盛衰倚伏君子將以此消息時變焉志禮俗

祀典

前建置志所列壇廟既敘建築茲僅就其有圖秩祀典禮者列入本目以清界限

祭社稷壇每歲春秋仲月上戊日出主於壇而祭之

祭品

帛一 羔一 豕一 羊一 刑金旁一 簋簋各二 邊豆各四 白磁爵三

祀文部頒

維神奠安九土粒食萬邦分五色以表封圻育三農而蕃稼穡恭承守土肅展明禋時屆仲春敬修祀典庶芄芄松柏翠巖石於無疆翼翼黍苗佐神倉於不匱尚饗

儀注

祭日各官衣朝衣禮生引承祭官至拜位通贊唱執事者各司其事陪祭官各就位承祭官就位通贊唱瘞毛血禮生引詣盥洗所贊盥洗淨巾引詣香案前贊迎神行二跪六叩首禮興行初獻禮引詣神位前跪奠帛獻爵叩首興詣讀祝位跪眾官皆跪宣祝畢叩首興引唱復位通贊唱行亞獻禮引詣神位前跪獻爵叩首興復位通贊唱行三獻禮如亞獻儀通贊唱飲福受胙引一

飲福受胙位跪飲福酒受福胙叩首興謝胙一跪三叩首興復位通唱徹饌送神行二跪六叩首禮興通贊唱司祝者捧祝司帛者捧帛各詣燎所引詣望燎位焚畢揖復位通贊唱禮畢退

今按會典社稷壇爲大祀

祭風雲雷雨 山川 城隍之神共一壇每歲春秋仲月上辰日合祭

風雲雷雨居中帛四

山川居左帛二

城隍居右帛一俱白也

祭品儀注與社稷同

祝文部頒

維神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍衛之功幸民俗之殷盈仰神明之庇護恭修歲祀正值良辰敬潔豆蓬祇陳牲帛尚饗

祭雪壇每歲孟夏行常雪祭帛一

祭品儀注與山川同

祝文部頒

恭膺詔命撫育羣黎仰體彤廷保赤之誠勤農勸稼俯維蔀屋資生之本力穡服田令甲爰頒肅舉祈年之典寅衷將事用申守土之忱黍稷惟馨尚冀明昭之受賜來年率育庶俾豐裕於蓋藏尚饗

今案會典神祇壇爲中祀

祭先農耕藉田每歲季春亥日祭先農壇行耕藉禮祭日承祭官率各官請神位供於壇上衣朝衣行禮祭畢送位入祠

壇高二尺二寸  
廣二尺五寸

牌高二尺四寸  
廣一尺

座高五寸  
廣九寸五分



壇後祠宇正房三配房各一正房中供先農神位 先農神位紅牌金字東正房貯祭器具農西正房貯米穀

東配房置辦祭器 西配房看守農戶居住

藉田四畝九分置於東郊藉田歲入穀數合浦十六名二斗

祭品

帛一色白羊一豕一刑(金旁)一 簋簠各四 邊豆各四

祝文部頌

維神肇興稼穡粒我蒸民頌思文之德克配彼天念率育之功陳常時夏茲當東作咸服先疇飲惟九五之尊歲舉三推之典恭膺守土敢忘勞民謹奉儀章聿修祀事惟願五風十雨嘉祥恆沐於神麻庶幾九穗雙歧上瑞頻書於大有尚饗

儀注同社稷壇禮畢各官更蟒衣詣藉田行耕藉禮

耕藉儀

一官秉耒捧青箱一官播種各官俱用右手扶犁左手執鞭各行九推禮農夫終畝耕畢各回官廳更朝衣望闕恭行三跪九叩

首禮

耕藉田器

農具一色赤 牛一 籽種箱一色青

耕藉人役

耆老一名牽牛 農夫二名扶犁 農童六名唱歌

迎春儀注附

先立春日造勾芒神土牛春在十二月望後勾芒神執策當牛肩在正月朔後當牛腹在正月望後當牛膝示民農事早晚屆立春日吏設案於勾芒神春牛前陳香燭酒果之屬致祭有司率僚屬往東門外五穀亭行之謂之迎春

今考先農之稱經所不載惟劉向五經要義曰壇於田以祀先農昔太始四年耕於東郊以太牢祀先農周隋及唐所稱先農皆祭神農於帝社配以后稷卽貞觀初太宗親耕東郊仍藉田壇之名垂拱中乃以藉田壇爲先農壇開元十九年祀神農之壇上以后稷配此先農壇之所由來也

今案會典先農壇爲中祀

祭大歲每歲初春有司率所屬致祭行三跪九叩禮

今案會典太歲廟爲中祀

祭天后宮每歲春秋二仲月上癸日有司致祭

祝文

維后配天立極護國徵祥河清海晏物阜民康保安斯土福庇無疆千秋鞏固萬載靈長神恩思報聖澤難忘虔循祀事恭薦馨香士民一德俎豆同堂仰惟昭格鑒此烝嘗尚饗

府志云天后福建人相傳爲莆田林氏康熙二年御史張學禮使琉球記云正月二十日過閩安次猴嶼見梅花所故城荒榛瓦礫滿目淒然通事謝必振稟曰天妃姓蔡此地人爲父投水亡身張御史曾身歷其地又出自閩人謝必振之口似必有據姑存其說今考天後來歷諸書所載言人人殊未可爲據惟神之封號宋封順濟昭應惠夫人元封天妃明封護國夫人加封昭孝純正靈應孚濟聖妃清康熙十九年封護國庇民妙靈昭應宏仁普濟天后禮典尤隆乾隆二年加封福祐